

სს „საქართველოს ნავთობისა და გაზის კორპორაცია“ (სნგკ)



სატენდერო დოკუმენტაცია

ნავთობისა და გაზის ოპერაციების მონაცემთა ელექტრონული ბაზის შექმნასთან
დაკავშირებული მომსახურების სახელმწიფო შესყიდვა

CPV72200000

1. შესყიდვის ობიექტი

1.1 ნავთობისა და გაზის ოპერაციების მონაცემთა ელექტრონული ბაზის შექმნასთან დაკავშირებული მომსახურების (შემდგომში - მომსახურება) სახელმწიფო შესყიდვა, სატენდერო დოკუმენტაციის დანართი №1-ის (ტექნიკური დავალება) შესაბამისად.

2. პრეტენდენტის საკვალიფიკაციო მონაცემების დამადასტურებელი დოკუმენტ(ებ)ი

2.1. შემსყიდველის მიერ სისტემაში ატვირთული წერილობითი მოთხოვნის საფუძველზე, პრეტენდენტის მიერ წარმოსადგენი დოკუმენტაცია:

2.1.1. ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, რომელიც ადასტურებს, რომ პრეტენდენტის მიმართ არ მიმდინარეობს ლიკვიდაციის/რეორგანიზაციის/გადახდისუნარიობის პროცესი.

შენიშვნა:

- არარეზიდენტმა პირებმა უნდა წარმოადგინონ თავიანთი ქვეყნის უფლებამოსილი ორგანო(ებ)ის მიერ გაცემული საკვალიფიკაციო მონაცემების დამადასტურებელი დოკუმენტები. წარმოდგენილ დოკუმენტ(ებ)ს თან უნდა დაერთოს ნოტარიალურად დამოწმებული თარგმანი ქართულ ენაზე;

- აღნიშნული დოკუმენტ(ებ)ი გაცემული უნდა იყოს ელექტრონული ტენდერის წინადადების მიღების დაწყების თარიღის შემდეგ; არარეზიდენტი პრეტენდენტ(ებ)ისათვის დასაშვებია წინადადების მიღების დაწყების თარიღამდე არაუგვიანეს 30 დღის ვადაში გაცემული საკვალიფიკაციო მონაცემების დამადასტურებელი დოკუმენტები;

- საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე დოკუმენტების წარმოდგენის შემთხვევაში, სატენდერო კომისია მოახდენს პრეტენდენტის დისკვალიფიკაციას.

3. შესყიდვის ობიექტის მიწოდების ვადა და ადგილი

3.1 მიმწოდებელმა უნდა უზრუნველყოს მომსახურების გაწევა ხელშეკრულების გაფორმებიდან 18 (თვრამეტი) კალენდარული თვის ვადაში.

3.2 მომსახურების მიწოდება უნდა განხორციელდეს შემდეგ მისამართზე: ქ. თბილისი, კახეთის გზატკეცილი №21, სს „საქართველოს ნავთობისა და გაზის კორპორაცია“.

4. შესყიდვის ობიექტის სავარაუდო ღირებულება, პრეტენდენტის წინადადების ფასი და ანგარიშსწორების პირობები

4.1 შესყიდვის ობიექტის სავარაუდო ღირებულებაა 302580,00 ლარი, დღგ-ს გარეშე;

4.2 შესყიდვების ერთიან ელექტრონულ სისტემაში (შემდგომში - სისტემა) წინადადების ფასი დაფიქსირებულ უნდა იყოს ეროვნულ ვალუტაში დღგ-ს გარეშე, საქართველოს კანონმდებლობით განსაზღვრული ყველა გადასახადის გათვალისწინებით (დღგ-ს გარდა);

4.3 წინადადების ფასად განიხილება სისტემის მემწეობით შესყიდვის ელექტრონული ტენდერის შესაბამის ველში დაფიქსირებული ფასი;

4.4 წინამდებარე ტენდერით განსაზღვრული მონაცემთა ელექტრონული ბაზის შექმნა წარმოადგენს ნაწილობრივ ინტელექტუალურ მომსახურებას, რომლის შეფასების კრიტერიუმები და ფასწარმოქმნის დასაბუთების სტანდარტი რთული დასადგენია. იმ შემთხვევაში, თუ ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, სატენდერო კომისიამ მიზანშეწონილად მიიჩნია არ მოსთხოვოს პრეტენდენტს ფასწარმოქმნის ადეკვატურობის დასაბუთება და შესაბამისი დოკუმენტაციის წარმოდგენა.

4.5 ხარჯები, რომლებიც სატენდერო წინადადების ფასში არ იქნება გათვალისწინებული, არ დაეკვემდებარება ანაზღაურებას;

4.6 შემსყიდველი ორგანიზაციის მიერ ხელშეკრულების ღირებულებაში გათვალისწინებული იქნება წინადადების ფასის დღგ-ს შესაბამისი ოდენობა, თუ ხელშეკრულების დადების მომენტისათვის პრეტენდენტი არის დღგ-ს გადამხდელი საქართველოს კანონმდებლობის შესაბამისად;

4.7 პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შემსყიდველის მიერ უპირატესობა მიენიჭება ფასს, რომელიც არ აღემატება სისტემის შესაბამის ველში დაფიქსირებულ ფასს;

4.8 გამარჯვებულ პრეტენდენტთან ხელშეკრულება გაფორმდება ლარში;

4.9 ანგარიშსწორება მიმწოდებელთან განხორციელდება ლარში, უნაღდო ანგარიშსწორების ფორმით, მომსახურების სრულად გაწევიდან და ხელშეკრულებით განსაზღვრული დოკუმენტების წარმოდგენიდან არაუადრეს 8 და არაუგვიანეს 10 სამუშაო დღის ვადაში.

4.10 მიმწოდებლის მოთხოვნის შესაბამისად, წინასწარი ანგარიშსწორება შესაძლებელია განხორციელდეს შემდეგი ფორმით: შემსყიდველის მიერ მოხდება მთლიანი სახელშეკრულებო ღირებულების არაუმეტეს 40%-ის წინასწარ

(ავანსი) გადარიცხვა მიმწოდებლის მიერ წარმოდგენილი საავანსოდ გადასარიცხი თანხის იდენტური ოდენობის, საბანკო დაწესებულების მიერ გაცემული, უპირობო და გამოუთხოვადი საბანკო გარანტიის საფუძველზე. აღნიშნული საბანკო გარანტია წარმოდგენილ უნდა იყოს ლარში და მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს მომსახურების გაწევის საბოლოო ვადას. გარანტიის გამცემ ბანკს რეიტინგი უნდა ჰქონდეს მინიმუმ „B+“ Fitch Rating-ით ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი (საბანკო გარანტია წარმოდგენილ უნდა იქნას დანართი №5-ის (საავანსო გადახდის საგარანტიო უზრუნველყოფა/ნიმუში) არსებითი პირობების დაცვით.

5. ხელშეკრულების შესრულების უზრუნველყოფის საბანკო გარანტია

5.1 გამარჯვებულად გამოვლენის შემთხვევაში, თუ ხელშეკრულების საერთო ღირებულება შეადგენს ან აღემატება 200000 ლარს (დღგ-ს ჩათვლით), ტენდერში გამარჯვებულმა მიმწოდებელმა ხელშეკრულების შესრულების უზრუნველყოფის მიზნით უნდა წარმოადგინოს საბანკო დაწესებულების მიერ გაცემული ხელშეკრულების უზრუნველყოფის უპირობო და გამოუთხოვადი საბანკო გარანტია ლარში, სახელშეკრულებო ღირებულების 5%-ის ოდენობით. აღნიშნული საბანკო გარანტია წარმოდგენილი უნდა იქნეს ხელშეკრულების გაფორმებამდე და მისი მოქმედების ვადა სულ მცირე 30 (ოცდაათი) კალენდარული დღით უნდა აღემატებოდეს მომსახურების გაწევის საბოლოო ვადას. წარმოდგენილ უნდა იქნას საქართველოში მოქმედი კომერციული ბანკის მიერ გაცემული საბანკო გარანტია, ხოლო იმ შემთხვევაში თუ გარანტიის გამცემი ბანკი არ იქნება საქართველოში მოქმედი კომერციული ბანკი, გარანტიის გამცემ ბანკს რეიტინგი უნდა ჰქონდეს მინიმუმ „B+“ Fitch Rating-ით ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი. საბანკო გარანტია წარმოდგენილ უნდა იქნას დანართი №6-ის (ხელშეკრულების შესრულების საგარანტიო უზრუნველყოფა/ნიმუში) არსებითი პირობების დაცვით;

5.2 იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს საბანკო დაწესებულების მიერ გაცემული ხელშეკრულების უზრუნველყოფის უპირობო და გამოუთხოვადი საბანკო გარანტია სახელშეკრულებო ღირებულების 10%-ის ოდენობით.

6. ზოგადი პირობები

6.1 პრეტენდენტს უფლება აქვს წარმოადგინოს მხოლოდ ერთი სატენდერო წინადადება;

6.2 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნეს მინდობილობა);

6.3 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში (დანართი №4), რომელიც ხელშეკრულების დადების მომენტისათვის შესაძლებელია დაზუსტდეს სატენდერო წინადადების შესაბამისად;

6.4 სატენდერო დოკუმენტაციით მოთხოვნილი, ერთიან ელექტრონულ სისტემაში ასატვირთი ყველა დოკუმენტი წარმოდგენილ უნდა იქნეს ქართულ ენაზე; დოკუმენტების და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

6.5 ტენდერში ამხანაგობის მონაწილეობის შემთხვევაში, პრეტენდენტი ვალდებულია იმოქმედოს „გამარტივებული ელექტრონული ტენდერისა და ელექტრონული ტენდერის ჩატარების წესის“ 10¹ მუხლის მოთხოვნათა სრული დაცვით;

6.6 სატენდერო დოკუმენტაცია შედგენილია ქართულ და ინგლისურ ენაზე. ქართულ და ინგლისურ ენოვან ტექსტებს შორის შეუსაბამობის არსებობის შემთხვევაში, უპირატეობა ენიჭება ქართულენოვან ვერსიას.

7. ინფორმაცია პრეტენდენტებისათვის

7.1 შემსყიდველი ორგანიზაცია ვალდებულია, კანონმდებლობით დადგენილი წესით, ერთიანი ელექტრონული სისტემის კითხვა/პასუხის მოდულის მეშვეობით, პრეტენდენტის მოთხოვნის შემთხვევაში, განახორციელოს სატენდერო განცხადებასთან და დოკუმენტაციასთან დაკავშირებით შესაბამისი დაზუსტება/განმარტება;

7.2 შემსყიდველ ორგანიზაციასა და პრეტენდენტს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/შეტყობინება მიღებულად ჩაითვლება მისი სისტემაში ატვირთვის მომენტიდან;

7.3 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, კახეთის გზატკეცილი №21, მე-2 სართული, ოთახი 200; საკონტაქტო პირები: +995 (32) 224-40-40, სატენდერო დოკუმენტაციასთან დაკავშირებულ საკითხებზე - ჯაბა გურასპიშვილი (შიდა - 220).

8. მოთხოვნები პრეტენდენტის მიმართ:

8.1 პრეტენდენტს უნდა ჰყავდეს სამუშაო ჯგუფი დაკომპლექტებული შემდეგი შემადგენლობით:

8.1.1 ჯგუფის ხელმძღვანელი, რომელსაც უნდა გააჩნდეს ნავთობისა და გაზის ძებნა-ძიებისა და მოპოვების სფეროში მუშაობის არანაკლებ 10 წლიანი გამოცდილება;

8.1.2 მინიმუმ ორი გეოლოგის და ორი გეოფიზიკოსის განათლების მქონე წევრი, რომელთაც უნდა ჰქონდეს ყოფილ საბჭოთა რესპუბლიკებში ნავთობისა და გაზის გეოლოგიურ-გეოფიზიკურ ფონდებთან მუშაობის გამოცდილება. აღნიშნული წევრებიდან მინიმუმ 1 გეოლოგი უნდა იყოს ინგლისური და 1 გეოლოგი რუსული ენის მცოდნე ქართულენოვანი პირი, ასევე მინიმუმ 1 გეოფიზიკოსი უნდა იყოს ინგლისური და 1 გეოფიზიკოსი რუსული ენის მცოდნე ქართულენოვანი პირი;

აღნიშნული პირობის დასაკმაყოფილებლად დასაშვებია:

- ერთი პირი იყოს როგორც ინგლისური, ასევე რუსული ენის მცოდნე;

- ინგლისური ან/და რუსული ენის მცოდნე არაქართულენოვანი გეოლოგის ან/და გეოფიზიკოსის შემოთავაზება. ასეთ შემთხვევაში, პრეტენდენტი ვალდებულია სამუშაო ჯგუფის შემადგენლობაში დამატებით გაითვალისწინოს შესაბამისი ენისა და კვალიფიკაციის ქართულენოვანი თარჯიმანი;

8.1.3 ნავთობინდუსტრიაში მომუშავე, პროგრამისტის განათლების მქონე წევრი ან/და დასაშვებია ნავთობინდუსტრიის სფეროში პროგრამირების კუთხით გამოცდილების მქონე კომპანიის (იურიდიული პირი) შემოთავაზება.

9. პრეტენდენტის მიერ სისტემაში ასატვირთი ტექნიკური დოკუმენტაცია/ინფორმაცია

9.1 ფასების ცხრილი, დანართი №2-ის შესაბამისად;

9.2 პრეტენდენტის რეკვიზიტები, დანართი №3-ის შესაბამისად;

9.3 ინფორმაცია შემოთავაზებული სამუშაო ჯგუფის შემადგენლობის შესახებ (თარჯიმნის გათვალისწინებით, ასეთის არსებობის შემთხვევაში, პუნქტი 8.1.2) (პუნქტი 8.1);

9.4 შემოთავაზებული სამუშაო ჯგუფის წევრების CV-ები, რომელიც უნდა ითვალისწინებდეს ინფორმაციას განათლების (მათ შორის უცხო ენის) და გამოცდილების შესახებ, შესაბამისი წლების, კომპანიების და პროექტების მითითებით (პუნქტი 8.1);

9.5 ნავთობინდუსტრიის სფეროში პროგრამირების კუთხით გამოცდილების მქონე კომპანიის (იურიდიული პირი) შემოთავაზების შემთხვევაში, წარმოდგენილ უნდა იქნას კომპანიის საქმიანობისა და გამოცდილების ამსახველი რეზიუმე/პრეზენტაცია (პუნქტი 8.1.3)

9.6 შემოთავაზებული სამუშაო ჯგუფის წევრების წერილობითი თანხმობა აღნიშნული ტენდერით შესასყიდი მომსახურების განხორციელებაში მონაწილეობის თაობაზე;

9.7 ნავთობინდუსტრიის სფეროში პროგრამირების კუთხით გამოცდილების მქონე კომპანიის (იურიდიული პირი) შემოთავაზების შემთხვევაში, პრეტენდენტმა უნდა წარმოადგინოს შემოთავაზებულ კომპანიასთან სამართლებრივი ურთიერთობის ამსახველი დოკუმენტ(ებ)ი (ხელშეკრულება, შეთახმება ან სხვა ექვივალენტური დოკუმენტი, რომელიც გამოხატავს პირის ნებას აღნიშნული ტენდერით შესასყიდი მომსახურების განხორციელებაში მონაწილეობის თაობაზე).

დანართი №1 - ტექნიკური დავალება

ნავთობისა და გაზის ოპერაციების მონაცემთა ელექტრონული ბაზის შექმნასთან დაკავშირებული მომსახურება

I მიზანი

ნავთობისა და გაზის ოპერაციებთან დაკავშირებული ძებნა-ძიებისა (გეოლოგიურ-გეოფიზიკური სამუშაოები, ლაბორატორული კვლევები, ბურღვა და სხვ.) და მოპოვების დარგის „მონაცემთა ელექტრონული ბაზის“ (შემდგომში „მეზ“-ი) შექმნა, რაც მოიცავს მონაცემთა ბანკს (ელექტრონულ არქივს) და მასში არსებული ინფორმაციით სარგებლობისათვის საერთაშორისო პრაქტიკაში მიღებულ, თანამედროვე სტანდარტებისა და მოთხოვნების დონის კომპიუტერულ პროგრამას.

II ამოცანა

- ნავთობისა და გაზის ძებნა-ძიებისა და მოპოვების დარგში ციფრულ თუ არაციფრულ ფორმატში არსებული მონაცემების (პირველადი საველე, სამეცნიერო, ანალიტიკური, სტატისტიკური და სხვა) ერთიანი ელექტრონული არქივის შექმნა (არაციფრული მასალის სკანირება, ტექსტურად აკრეფა, აციფრება) და მასში ციფრულ ფორმატში არსებული ყველა მონაცემის შეყვანა; სადაც ეს ინფორმაცია იქნება ელ.ფორმატში, დახარისხებულად შენახული და ადვილად მოძებნადი;
- ერთ-ერთი პრიორიტეტული სალიცენზიო ბლოკის მაგალითზე, რომელიც შეირჩევა შემსყიდველის მიერ, სადემონსტრაციო ელ.არქივის პროექტის (ე.წ. „პილოტ-პროექტი“) განხორციელება, რომლის მაგალითზეც მოხდება შემდგომში ყველა სალიცენზიო ბლოკისათვის ერთიანი ელექტრონული არქივის შექმნა. ამ სადემონსტრაციო პროექტის ფარგლებში მოსალოდნელი შედეგი იქნება არაციფრულ ფორმატში არსებული ინფორმაციის გადაყვანა ციფრულ ფორმატში და არქივირება; ინფორმაციისა და დოკუმენტაციის ელექტრონული არქივირების კონცეფციის, მეთოდოლოგიისა და პროცედურების მომზადება;
- ელექტრონული არქივის გამოყენების წესებისა და ყველა საჭირო ინსტრუქციის მომზადება (რომელიც წარმოდგენილ უნდა იქნას, როგორც ელექტრონული, ასევე ნაბეჭდი ვერსიის სახით).
- ციფრულ მონაცემთა ბანკში არსებული მასალით სარგებლობის¹ კომპიუტერული პროგრამის შექმნის მომსახურების შესყიდვის მიზნით ტექნიკური დავალების შემუშავება, რის საფუძველზეც შესაძლებელი იქნება „მონაცემთა ელექტრონული ბაზა“ შესყიდვა, დარგობრივი, გამოცდილი, სპეციალიზირებული კომპანიის გამოვლენა.
- რეკომენდაციების გაცემა მონაცემთა ელექტრონული ბაზის ფუნქციონირების და მართვის საკითხებზე.

III განსახორციელებელი მომსახურების მოცულობა

გეოლოგიურ ფონდებში დაცულია:

- 2400-მდე ერთეული სხვადასხვა მოცულობის (თითოეული საშუალოდ 100 გვ.), მანქანაზე ნაბეჭდი, სამეცნიერო-ტექნიკური და საწარმოო საქმიანობის ამსახველი ანგარიში, თანდართული ნახაზებით, ცხრილებით და სხვა სახის დამატებითი ინფორმაციით;
- 1350-მდე ღრმა ჭაბურღილის (საყრდენი, პარამეტრული, ძებნა-ძიებითი და საექსპლუატაციო) საქმეები (თითოეული საშუალოდ 100 გვ.) და ამ ჭაბურღილებში ჩატარებული სარეწაო გეოფიზიკური კვლევების (კაროტაჟების) სრული კომპლექტები ქაღალდის ფორმატში;

¹ დეტალიზებული ძებნა; თემატურად დაკავშირებული ინფორმაციის გამოძახება; სამანიპულაციო კომპიუტერულ პროგრამებთან ინტეგრირება-მანიპულირება; ინფორმაციის დაბლოკვა მომხმარებლის დონეების მიხედვით; მასალის განახლება ახლადმოპოვებული ინფორმაციით, მაგრამ ძველი მგომარეობით ნახვის შესაძლებლობით, ხარისხის კონტროლის ან/და შეცდომათა დაბლოკვის მექანიზმი და სხვ.

შინაარსობრივად ამ მასალებში ასახულია შემდეგი მონაცემები:

- დარგობრივი, მსხვილმასშტაბიანი გეოლოგიური აგეგმვის შედეგად შედგენილი გეოლოგიური რუკები ცალკეული რეგიონების, ზონების, ფართობების და მათი შესაბამისი გეოლოგიური პროფილები;
- საველე გეოლოგიური, გეოქიმიური, გეოფიზიკური და სხვა სახის კვლევების (გრაფი-, მაგნიტო-სეისმოძიების) შედეგები. სეისმოძიების მოცულობა, სხვადასხვა მოდიფიკაციით შესრულებული, შეადგენს დაახლოებით 45 ათ. გრძ.კმ-ს, მათ შორის ზღვის აკვატორიაში 15 ათ.გრძ.კმ-მდე;
- 100-ზე მეტ პერსპექტიულ ფართობზე შესრულებული აგეგმვითი და სტრუქტურული ბურღვის (გაბურღულია 2300-მდე ამ კატეგორიის ჭაბურღილი) შედეგები;
- 80-ზე მეტი პერსპექტიული საძიებო ფართობის შესახებ დაგროვილი მონაცემები: პასპორტები, გეოლოგიური და სტრუქტურული რუკები, ძებნა-ძიების პროექტები, ძებნა-ძიების შედეგები და ა.შ.;
- აღმოჩენილი 17 საბადოს ძებნა-ძიებისა და დამუშავების პროცესში დაგროვილი მონაცემები: გეოლოგიური აგებულება, პროდუქტიული ფენების და ფლუიდების ფიზიკო ქიმიური მახასიათებლები, მარაგები, მოპოვების დინამიკა, დამუშავების პროექტები, დამუშავების შედეგების ანალიზი და ა.შ.

გარდა ზემოაღნიშნულისა, ბოლო 15-20 წელიწადში კონტრაქტორი კომპანიების მიერ ჩატრებული ნავთობისა და გაზის ოპერაციების შედეგად დაგროვილი ინფორმაცია, რომელიც ქაღალდის და/ან ელექტრონულ ფორმატში მიეწოდა სახელმწიფოს. ეს ინფორმაცია მოიცავს ძირითადად საველე გეოფიზიკური კვლევების (2D სეისმოძიება - 9260 გრძ.კმ.; 3D - 1800 კვ.კმ.) და ღრმა და მცირე სიღრმის საძიებო და საექსპლუატაციო ბურღვის (107 ჭაბურღილი) შედეგებს.

შენიშვნა: აღნიშნული განსახორციელებელი მომსახურების მოცულობა სავარაუდოა და მოცემული ინფორმაციის მეტობით არსებობის შემთხვევაში, მიმწოდებელს დამატებითი ანაზღაურების მოთხოვნის უფლება არ წარმოეშება.

IV მიმწოდებლის მიერ განსახორციელებელი საქმიანობა

მიმწოდებელი ვალდებულია უზრუნველყოს:

1. არსებული მდგომარეობის შეფასება და ანალიზი (მონაცემების რაოდენობა, მათი ფორმატი, საჭირო მატერიალურ-ტექნიკური ბაზა, აუცილებელი ადამიანური რესურსების არსებობა) და „მეზ“-ის საერთო კონცეფციის შემუშავება;
2. სსიპ „ნავთობისა და გაზის სახელმწიფო სააგენტოს“ და „შემსყიდველის“ მიერ მოწოდებული მათთან არსებული გეოლოგიურ-გეოფიზიკური მასალების ჩამონათვალის ადგილზე შემოწმება და საბოლოო ნუსხის შექმნა მათ წარმომადგენლებთან ერთად;
3. ხელმისაწვდომი მასალებიდან შესყიდველთან შეთანხმებით პრიორიტეტული დოკუმენტების განსაზღვრისათვის რეკომენდაციების მომზადება (დღეისათვის უფრო მეტად აქტუალურის, ნაკლებად აქტუალურისა და საარქივოს კატეგორიებით);
4. ელექტრონული არქივის სტრუქტურის შემუშავება: სხვადასხვა სახეობის მონაცემთა კატეგორიებად დაყოფა მათი შინაარსის, ურთიერთდამოკიდებულებისა ან პრიორიტეტების მიხედვით ელ. საქაღალდეების ფარგლებში;
5. ელექტრონულ არქივში ინფორმაციის შესაყვანად დასათაურების სტანდარტის შემუშავება დარგში არსებული მოთხოვნილობების გათვალისწინებით;
6. გეოლოგიურ-გეოფიზიკური მონაცემთა ელექტრონული ბანკის („მეზ“) შექმნის პირველ ეტაპზე (რასაც წარმოადგენს ეს პროექტი) ელექტრონულ არქივში არსებული მასალების შეყვანისა და ძიება-გამოძახების მარტივი პროგრამის/საშუალების შექმნა;
7. შემსყიდველთან შეთანხმებით ქაღალდის ფორმატში არსებული პრიორიტეტული მასალების განსაზღვრა მათი შემდგომი დასკანიერებისა და აციფრების მიზნით;

8. ელექტრონულ არქივში ინფორმაციის შეყვანის, გამოძახებისა და ცვლილებათა შეტანის, ასევე სხვადასხვა შესაძლო მანიპულირების სწავლება შემსყიდველის მიერ გამოყოფილი ჯგუფისათვის;
9. საპილოტე პროექტისთვის საჭირო მასალების დასკანირება, აციფრება, ტექსტური ნაწილის მომზადება თავისი რესურსებით, და აგრეთვე პრიორიტეტული მასალების ელექტრონული არქივირებისთვის უზრუნველყოფის სსიპ „ნავთობისა და გაზის სახელმწიფო სააგენტოს“ და „შემსყიდველის“ მონაწილეობა მათთან არსებული ადამიანური და ტექნიკური რესურსების გამოყენებით;
10. ბეჭდური ანგარიშების და დოკუმენტების მოკლე საინფორმაციო ელექტრონული ტექსტების, ასევე სხვადასხვა დოკუმენტაციის საიდენტიფიკაციო ინფორმაციის ცხრილების, ასევე არქივში ინფორმაციის შეყვანისათვის სტანდარტული თარგ-ფორმების შემუშავება;
11. ელექტრონულ არქივში ინფორმაციის შეყვანის ხარისხის კონტროლის მიზნით პერიოდულად შემსყიდველის წარმომადგენლებთან ერთად ატვირთული მასალის ხარისხის შემოწმების ორგანიზება;
12. დასახულ ამოცანათა კონკრეტულ სამუშაოებად დასახვა, ამ სამუშაოების დეტალური გეგმა-გრაფიკის შემუშავება და პერიოდული კვარტალური ანგარიშების წარდგენა;
13. ელექტრონულ არქივში ინფორმაციის მოწოდების სქემების დადგენა და რეკომენდაციების მომზადება;
14. „მეზ“-ის (ნავთობ სამეცნიერო საქმიანობისათვის მონაცემთა გამოსაყენებლად კომპიუტერული პროგრამისა და ორგანიზაციული სტრუქტურის) შემქმნელი კომპანიის გამოსავლენად ტექნიკური დავალებისა და ხელშეკრულების პროექტის შემუშავება, ამ პროგრამის შესაძლებლობების და მომხმარებელთა სარგებლის შესახებ პრეზენტაციის მომზადება;
15. სატენდერო წინადადებების განხილვის და შეფასების მეთოდოლოგიის შემუშავება, შესყიდვის პროცედურის შესაბამისად, შემსყიდველის მიერ მიღებული წინადადებების განხილვის მიზნით საკონსულტაციო მომსახურების გაწევა;
16. მიღება-ჩაბარების აქტის გაფორმების დღიდან 4 (ოთხი) კალენდარული თვის ვადაში საკუთარი ხარჯით ტექნიკური დახმარების გაწევა;
17. მიღება-ჩაბარების აქტის გაფორმების დღიდან 6 (ექვსი) კალენდარული თვის ვადაში ელექტრონული არქივის განვითარებაში მონაწილეობა შემსყიდველის სპეციალისტებთან ერთად;
18. მომსახურების გაწევა საკუთარი აღჭურვილობით და შემსყიდველისაგან არ მოითხოვოს დამატებითი პროგრამული და ტექნიკური აღჭურვილობა.

V. პრეტენდენტის გამოცდილება:

პრეტენდენტს უნდა ჰყავდეს სამუშაო ჯგუფი დაკომპლექტებული შემდეგი შემადგენლობით:

- ჯგუფის ხელმძღვანელი, რომელსაც უნდა გააჩნდეს ნავთობისა და გაზის ძებნა-ძიებისა და მოპოვების სფეროში მუშაობის არანაკლებ 10 წლიანი გამოცდილება;

- მინიმუმ ორი გეოლოგის და ორი გეოფიზიკოსის განათლების მქონე წევრი, რომელთაც უნდა ჰქონდეს ყოფილ საბჭოთა რესპუბლიკებში ნავთობისა და გაზის გეოლოგიურ-გეოფიზიკურ ფონდებთან მუშაობის გამოცდილება. აღნიშნული წევრებიდან მინიმუმ 1 გეოლოგი უნდა იყოს ინგლისური და 1 გეოლოგი რუსული ენის მცოდნე ქართულენოვანი პირი, ასევე მინიმუმ 1 გეოფიზიკოსი უნდა იყოს ინგლისური და 1 გეოფიზიკოსი რუსული ენის მცოდნე ქართულენოვანი პირი;

აღნიშნული პირობის დასაკმაყოფილებლად დასაშვებია:

- ერთი პირი იყოს როგორც ინგლისური, ასევე რუსული ენის მცოდნე;

- ინგლისური ან/და რუსული ენის მცოდნე არაქართულენოვანი გეოლოგის ან/და გეოფიზიკოსის შემოთავაზება. ასეთ შემთხვევაში, პრეტენდენტი ვალდებულია სამუშაო ჯგუფის შემადგენლობაში დამატებით გაითვალისწინოს შესაბამისი ენისა და კვალიფიკაციის ქართულენოვანი თარჯიმანი;

- ნავთობინდუსტრიაში მომუშავე, პროგრამისტის განათლების მქონე წევრი ან/და დასაშვებია ნავთობინდუსტრიის სფეროში პროგრამირების კუთხით გამოცდილების მქონე კომპანიის (იურიდიული პირი) შემოთავაზება.

დანართი №2 - ფასების ცხრილი

#	შესყიდვის ობიექტი	საერთო ღირებულება (ლარი, დღგ-ს გარეშე)	საერთო ღირებულება (ლარი, დღგ-ს ჩათვლით)	სასურველი ანგარიშსწორების ფორმა სატენდერო დოკუმენტაციის 4.9 და 4.10 პუნქტების შესაბამისად
1	2	3	4	5
1	ნავთობისა და გაზის ოპერაციების მონაცემთა ელექტრონული ბაზის შექმნასთან დაკავშირებული მომსახურება			

შენიშვნა:

- პრეტენდენტმა უნდა შეავსოს ფასების ცხრილის მე-3 და მე-5 გრაფები (თუ პრეტენდენტი დღგ-ს გადამხდელია უნდა შეავსოს მე-4 გრაფაც);

ხელმოწერით ვადასტურებ, რომ ნაკისრ ვალდებულებებს განვახორციელებ სატენდერო დოკუმენტაციის დანართი №1-ით (ტექნიკური დავალება) განსაზღვრული პირობების სრული დაცვით.

ხელმოწერა, ბეჭედი _____

დანართი №3 - რეკვიზიტების ფორმა

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი -----

დანართი № 4 - სახელმწიფო შესყიდვების შესახებ ხელშეკრულების პროექტი

(სახელმწიფო შესყიდვების შესახებ მოცემული ხელშეკრულების ფორმა და პირობები შესაძლებელია დაზუსტდეს ხელშეკრულების დადების მომენტისათვის მხარეთა მოლაპარაკების საფუძველზე)

ქ. თბილისი

, 2016 წ.

ერთის მხრივ, სს „საქართველოს ნავთობისა და გაზის კორპორაცია“ (შემდგომში - „შემსყიდველი“), წარმოდგენილი ---- სახით, და

მეორეს მხრივ, შპს ----- (შემდგომში - „მიმწოდებელი“) წარმოდგენილი დირექტორის ----- სახით, იმ გარემოებიდან გამომდინარე, რომ 2016 წლის -- შემსყიდველის მიერ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის “--” ქვეპუნქტის შესაბამისად გამოცხადებულ ტენდერში NAT-- გამარჯვებულად გამოცხადდა შპს ----- ფასით ----- ლარი დღგ-ს გარეშე, ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია ----- (შემდგომში - მომსახურება) სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად (CPV-----).

1.2. მომსახურების დასახელება, სპეციფიკაცია და ფასი მოცემულია წინამდებარე ხელშეკრულების დანართი №....-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

2.2. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.3. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.4. მიმწოდებელი ვალდებულია, გაუწიოს შემსყიდველს ნივთობრივად და უფლებრივად უნაკლო მომსახურება და მასთან დაკავშირებული აუცილებელი დოკუმენტაცია;

3. მომსახურების მიწოდების პირობები

3.1. მიმწოდებელმა უნდა უზრუნველყოს მომსახურების გაწევა ხელშეკრულების გაფორმებიდან -----.

3.2. მომსახურების გაწევის შემდეგ, მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.

3.3. შემსყიდველი უფლებამოსილია უარი თქვას უხარისხო ან 3 დღეზე მეტი დაგვიანებით გაწეული მომსახურების მიღებაზე და ანაზღაურებაზე.

3.4. შემსყიდველის მიერ მოთხოვნის წარუდგენლობის შემთხვევაში მომსახურების გაწევისა და მიღების, ასევე ანგარიშსწორების უფლება-მოვალეობები არ წარმოიქმნება.

4. მომსახურების ხარისხი

4.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს ამ სფეროში არსებულ სტანდარტებს და ტექნიკურ ნორმებს.

5. ხელშეკრულების საერთო ღირებულება და ანგარიშსწორება

5.1. ხელშეკრულების საერთო ღირებულება შეადგენს ----- ლარს დღგ-ს გარეშე, (თუ ხელშეკრულების დადების მომენტისთვის მიმწოდებელი არის დღგ-ის გადამხდელი საქართველოს კანონმდებლობის მოთხოვნათა შესაბამისად, შესაბამისი საგადასახადო ანგარიშ-ფაქტურის წარმოდგენის შემთხვევაში მას აუნაზღაურდება დღგ-ს განაკვეთი ----- (-----) ლარის ოდენობით.)

5.2. ანგარიშსწორების განსახორციელებლად მიმწოდებელმა უნდა წარადგინოს შემდეგი დოკუმენტ(ებ)ი:

- მიღება-ჩაბარების აქტი (ორმხრივად ხელმოწერილი);

- საგადასახადო ანგარიშ-ფაქტურა (იხ. წინამდებარე ხელშეკრულების პუნქტი 5.1).

5.3. ანგარიშსწორება მიმწოდებელთან განხორციელდება ლარში, უნაღდო ანგარიშსწორების ფორმით, მომსახურების სრულად გაწევიდან და ხელშეკრულებით განსაზღვრული დოკუმენტების წარმოდგენიდან არაუადრეს 8 და არაუგვიანეს 10 სამუშაო დღის ვადაში.

5.4. იმ შემთხვევაში თუ მიმწოდებელი სატენდერო დოკუმენტაციის 4.10 პუნქტის თანახმად მოითხოვს წინასწარ (საავანსო) ანგარიშსწორებას, შემსყიდველი მიმწოდებელს ავანსის სახით გადაუხდის წინამდებარე ხელშეკრულების

ჯამური ღირებულების არაუმეტეს ...%-ისა მიმწოდებლის მიერ შემსყიდველისათვის წინამდებარე ხელშეკრულების მე-6 მუხლში მითითებული შესაბამისი საბანკო გარანტიის წარდგენიდან 5 (ხუთი) სამუშაო დღის განმავლობაში.

5.5. წინასწარ გადახდილი თანხის გაქვითვის მიზნით, შემსყიდველი, მიმწოდებლისათვის გადასახდელი თანხიდან გამოქვითავს ანგარიშ-ფაქტურაში (ინვოისში) მითითებულ თანხას და ანგარიშსწორებას მოახდენს დარჩენილ თანხაზე.

6. ავანსის უზრუნველყოფის საბანკო გარანტია (მექანიზმის გამოყენების შემთხვევაში)

6.1. მიმწოდებელმა თანხის ავანსის სახით მიღების მიზნით შემსყიდველს უნდა წარუდგინოს ავანსის ღირებულების უპირობო და გამოუთხოვადი საბანკო გარანტია რომელიც ძალაში უნდა იყოს წინამდებარე ხელშეკრულების თანახმად განსაზღვრული მომსახურების სრულად გაწევიდან 30 დღის განმავლობაში. საბანკო გარანტიაში ბენეფიციარად მითითებული უნდა იქნას სს „საქართველოს ნავთობისა და გაზის კორპორაცია“.

6.2. ხელშეკრულების 6.1 პუნქტში აღნიშნული საბანკო გარანტია უნდა ითვალისწინებდეს ბანკის უპირობო ვალდებულებას შემსყიდველის პირველივე მოთხოვნისთანავე საბანკო გარანტიის სრული ან ნაწილი თანხის ანაზღაურების თაობაზე.

8.3. გარანტიის გამცემ ბანკს უნდა ჰქონდეს მინიმუმ “B+” რეიტინგი “Fitch Rating”-ის შესაბამისად ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი.

6.4. შემსყიდველი, მიმწოდებლის მოთხოვნის შემთხვევაში, საავანსო საბანკო გარანტიას უბრუნებს მიმწოდებელს მომსახურების სრულად გაწევიდან 15 კალენდარული დღის განმავლობაში.

6.5. შემსყიდველი უფლებამოსილია გამოიყენოს 6.1 პუნქტში მითითებული ავანსის საბანკო გარანტია იმ შემთხვევაში, თუ მიმწოდებელი დაარღვევს წინამდებარე ხელშეკრულების პირობას ან ვერ უზრუნველყოფს წინამდებარე ხელშეკრულებით გათვალისწინებული ვალდებულებების ჯეროვან შესრულებას.

6.6. მიმწოდებლის მიერ მომსახურების ნაწილის გაწევის თაობაზე მიღება-ჩაბარების აქტის გაფორმების შემდეგ შემსყიდველი, მიმწოდებლის მოთხოვნის შემთხვევაში, ატყობინებს საავანსო საბანკო გარანტიის გამცემს ავანსის უზრუნველყოფის საბანკო გარანტიის შესაბამისი ოდენობით შემცირების თაობაზე.

6.7. ხელშეკრულების შეწყვეტის შემთხვევაში შემსყიდველი უფლებამოსილია აიანაზღაუროს აუთვისებელი ავანსი ავანსის უზრუნველყოფის საბანკო გარანტიიდან.

7. ხელშეკრულების შესრულების უზრუნველყოფის საბანკო გარანტია

7.1. წინამდებარე ხელშეკრულების შესრულების უზრუნველყოფის მიზნით, მიმწოდებელმა შემსყიდველს უნდა წარუდგინოს უპირობო და გამოუთხოვადი საბანკო გარანტია ლარში, წინამდებარე ხელშეკრულების ღირებულების ...%-ის ოდენობით.

7.2. მიმწოდებლის მიერ წარმოდგენილი საბანკო გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს მომსახურების გაწევის საბოლოო ვადას.

7.3. წარმოდგენილ უნდა იქნას საქართველოში მოქმედი კომერციული ბანკის მიერ გაცემული საბანკო გარანტია, ხოლო იმ შემთხვევაში თუ გარანტიის გამცემი ბანკი არ იქნება საქართველოში მოქმედი კომერციული ბანკი, გარანტიის გამცემ ბანკს რეიტინგი უნდა ჰქონდეს მინიმუმ „B+“ Fitch Rating-ით ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი.

7.4. შემსყიდველი უფლებამოსილია გამოიყენოს 7.1 პუნქტში მისთვის გადაცემული ხელშეკრულების შესრულების საბანკო გარანტია (მოთხოვნის მიზეზის ან საფუძვლის დამტკიცების გარეშე) იმ შემთხვევაში, თუ მიმწოდებელი დაარღვევს წინამდებარე ხელშეკრულების პირობებს ან ვერ უზრუნველყოფს წინამდებარე ხელშეკრულებით გათვალისწინებული ვალდებულებების ჯეროვან შესრულებას.

7.5. ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს მიმწოდებელს ხელშეკრულების შეუსრულებლობით შემსყიდველისათვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.

7.6. იმ შემთხვევაში თუ მიმწოდებლის მიერ ვერ ესწრება ხელშეკრულებით გათვალისწინებული მომსახურების სრულად გაწევა მხარეების მიერ ხელშეკრულების ხელმოწერიდან დღის განმავლობაში, მიმწოდებელი ვალდებულია 5 კალენდარული დღის ვადაში ხელშეკრულების შესრულების უზრუნველყოფის საბანკო გარანტიას გაუგრძელოს მოქმედების ვადა იმგვარად, რომ დაცული იყოს 7.2. პუნქტში მითითებული დროის პერიოდი.

7.7. ხელშეკრულების შესრულების უზრუნველყოფის საბანკო გარანტიაში ბენეფიციარად მითითებულ უნდა იქნას სს „საქართველოს ნავთობისა და გაზის კორპორაცია“ (შემსყიდველი).

8. პასუხისმგებლობა და ხელშეკრულების პირობების შეუსრულებლობა

8.1. მიმწოდებელი იძლევა გარანტიას, რომ მის მიერ გაწეული მომსახურება შეესაბამება ხელშეკრულების პირველ და მე-4 მუხლებში მითითებულ კრიტერიუმებს.

8.1.1. იმ შემთხვევაში, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული 8.1. მუხლში მითითებული კრიტერიუმების შესაბამისი მომსახურების გაწევას შემსყიდველს

უფლება აქვს დააკისროს მიმწოდებელს ხელშეკრულების ღირებულების ოდენობის პირგასამტეხლოს გადახდა, რაც მიმწოდებელმა, შემსყიდველისაგან პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს სამი კალენდარული დღისა უნდა გადაიხადოს.

8.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

8.3. არაჯეროვანი მომსახურების გაწევის შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

8.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

8.5. მომსახურების გაწევის დაყოვნების შემთხვევაში, მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე მომსახურების საერთო ღირებულების 0,1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

8.6. შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0,1%-ის ოდენობით.

8.7. მიმწოდებლის მიერ ხელშეკრულების შეწყვეტის/მომსახურების გაწევაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით.

8.8. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

9. მხარეთა პასუხისმგებლობისგან გათავისუფლება

9.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

9.2. მხარემ, რომელსაც შეეძვნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

9.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

9.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

10. ხელშეკრულების ინსპექტირების პირობები

10.1. შემსყიდველს ან მის მიერ უფლებამოსილ პირს უფლება აქვს განახორციელონ მომსახურების კონტროლი.

10.2. მიმწოდებლის მიერ ხელშეკრულებისა და მისი დანართების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

10.3. ინსპექტირების ჯგუფის ფუნქციებია:

10.3.1. მომსახურების მოცულობის, ხარისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

10.3.2. შეამოწმოს მომსახურება მის მიღებამდე და უხარისხობის შემთხვევაში უარი თქვას მის მიღებაზე.

10.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

10.4. ყოველი გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

11. ხელშეკრულებაში ცვლილებების შეტანა

11.1. ხელშეკრულების მოწინააღმდეგე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

11.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთდება ხელშეკრულებას და ჩაითვლება მის განუყოფელ ნაწილად.

11.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

12. ხელშეკრულების ძალაში შესვლა და მოქმედების ვადა

12.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ----- ჩათვლით.

12.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

13. ხელშეკრულების შეწყვეტა

13.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

13.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა;

ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

13.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

14. დავების გადაწყვეტა, მარეგულირებელი სამართალი

14.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

14.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

14.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. დასკვნითი დებულებები

15.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

15.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.

15.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.

15.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

16. მხარეთა რეკვიზიტები და ხელმოწერები

დანართი №5 - საავანსო გადახდის საგარანტიო უზრუნველყოფა

უპირობო და გამოუთხოვადი საბანკო გარანტია

ნომერში

გარანტი: ბანკის დასახელება

პრინციპალი: კონტრაქტორის დასახელება

ბენეფიციარი: სს „საქართველოს ნავთობისა და გაზის კორპორაცია“

ჩვენთვის ცნობილი გახდა, რომ პრინციპალსა და ბენეფიციარს შორის გაფორმდა _____ (ხელშეკრულების ნომერი და თარიღი) _____ ხელშეკრულება (შემდგომში "ხელშეკრულება"), რომლის თანახმადაც პრინციპალმა უნდა განახორციელოს _____ (შესყიდვის ობიექტის დასახელება) _____ მიწოდება/შესრულება. ზემოხსენებული ხელშეკრულების პირობებით გათვალისწინებულია წინასწარი ანგარიშსწორება ხელშეკრულების მთლიანი ღირებულების _____ % ოდენობით, იმ შემთხვევაში, თუ პრინციპალი წარუდგენს ბენეფიციარს საბანკო გარანტიას მოთხოვნილი ავანსის ეკვივალენტ თანხაზე ანუ _____ (თანხა ციფრობრივად და სიტყვიერად) _____ ლარზე.

ყოველივე ზემოაღნიშნულის გათვალისწინებით გაცნობებთ, რომ იმ შემთხვევაში, თუ პრინციპალი ვერ შეასრულებს ხელშეკრულების პირობების თანახმად ნაკისრ ვალდებულებებს, გარანტი კისრულობს ვალდებულებას ბენეფიციარის პირველივე წერილობითი მოთხოვნის მიღებიდან 5 სამუშაო დღის ვადაში ყოველგვარი უარყოფისა და გასაჩივრების გარეშე აუნაზღაუროს ბენეფიციარს ნებისმიერი თანხა ან თანხები, მაგრამ არაუმეტეს ჯამში _____ (თანხა ციფრობრივად და სიტყვიერად) _____ ლარის.

წინამდებარე საბანკო გარანტია ძალაში შედის ბენეფიციარის მიერ პრინციპალის _____ (ბანკის დასახელება/ფილიალი) _____ -ში არსებულ _____ (ანგარიშის ნომერი) _____ ანგარიშზე ავანსის თანხის _____ (თანხა ციფრობრივად და სიტყვიერად) _____ ლარის სრულად ჩარიცხვისთანავე.

*გარანტიის მოქმედების ვადა არის: _____ (კონკრეტული თარიღი) _____, შესაბამისად წინამდებარე გარანტია მოქმედებს აღნიშნული თარიღის ჩათვლით. აღნიშნულიდან გამომდინარე ნებისმიერი თხოვნა ან პრეტენზია, გარანტის მიერ მიღებულ უნდა იყოს საბანკო გარანტიის ვადის გასვლამდე შემდეგ მისამართზე: _____ (ბანკის დასახელება/ფილიალი, მისამართი) _____.

მოთხოვნა ანაზღაურებაზე ბენეფიციარის მიერ წარმოდგენილ უნდა იქნეს ხელმოწერილი უფლებამოსილი პირის მიერ და ბეჭდით დადასტურებული წერილობითი ფორმით, სადაც მითითებული იქნება მოთხოვნილი თანხა, ციფრობრივად და სიტყვიერად.

საგარანტიო თანხა მცირდება: ა) ბენეფიციარის მიერ გარანტის სახელზე წერილობითი შეტყობინების საფუძველზე, გარანტიის ფარგლებში შესამცირებელი თანხის მითითებით; ბ) გარანტის მიერ გარანტიის ფარგლებში გადახდილი თანხების ოდენობით.

საბანკო გარანტია ავტომატურად უქმდება:

- საბანკო გარანტიის ვადის გასვლით;
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმისა და საბანკო გარანტიის ორიგინალის გარანტისათვის დაბრუნებისას.

გარანტების ხელმოწერა და ბეჭედი

- წინამდებარე გარანტიის მოქმედების ვადა 30 დღით უნდა აღემატებოდეს ხელშეკრულებით გათვალისწინებული მომსახურების გაწევის საბოლოო ვადას.
- არარეზიდენტი პრეტენდენტის შემთხვევაში, დასაშვებია გარანტიის წარმოდგენა უცხოურ ვალუტაში საქართველოს ეროვნული ბანკის მიერ წინამდებარე ტენდერის წინადადებების მიღების დასრულების დღისთვის დადგენილი ოფიციალური გაცვლითი კურსის მიხედვით.

დანართი №6 - ხელშეკრულების შესრულების საგარანტიო უზრუნველყოფა

უპირობო და გამოუთხოვადი საბანკო გარანტია

ნიმუში

გარანტი: -----
(გარანტიის გამცემი ბანკის დასახელება)

პრინციპალი: -----
(მიმწოდებლის დასახელება)

ბენეფიციარი: სს „საქართველოს ნავთობისა და გაზის კორპორაცია“ (შემსყიდველი)

ტენდერის უნიკალური ნომერი: № NAT -----

სატენდერო წინადადების შესაბამისად, იკისრა ვალდებულება შემსყიდველის სასარგებლოდ წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე,

ზემოხსენებულის გათვალისწინებით, ჩვენ ვიძლევიტ გარანტიას, რომ შემსყიდველის მიერ პირველივე მოთხოვნის განხორციელების შემთხვევაში უპირობოდ და გამოუთხოვადად, ყოველგვარი წინააღმდეგობის, სასამართლო გადაწყვეტილებისა და მიმწოდებლის თანხმობის გარეშე შემსყიდველის უფლებამოსილი პირის მიერ ხელმოწერილი და დადასტურებული პირველივე წერილობით მოთხოვნის მიღებიდან 5 კალენდარული დღის ვადაში აუნაზღაურებთ შემსყიდველს/ბენეფიციარს თანხას ოდენობით. შემსყიდველის მიერ გაგზავნილი წერილობითი მოთხოვნაში მითითებული უნდა იყოს თანხის ოდენობა ციფრობრივად და სიტყვიერად და მითითება რომ მიმწოდებელმა დაარღვია ხელშეკრულებით ნაკისრი ვალდებულება, ამასთან არ არის უფლებამოსილი შეამოწმოს ან/და შემსყიდველს მოსთხოვოს მიმწოდებლის/ პრინციპალის მიერ ხელშეკრულებით ნაკისრი ვალდებულებების დარღვევის დამტკიცება.

წინამდებარე გარანტიით ბანკის (დასახელება) მიერ ნაკისრი ვალდებულება გრძელდება მდე, შესაბამისად ნებისმიერი თხოვნა ან პრეტენზია, წარმოდგენულ უნდა იქნეს ზემოხსენებული საბანკო ვადის გასვლამდე.
(ბანკის დასახელება და მისამართი)

საბანკო გარანტია ავტომატურად უქმდება

- საბანკო გარანტიის ვადის გასვლით.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმისა და საბანკო გარანტიის ორიგინალის გარანტისათვის დაბრუნებისას.

გარანტების ხელმოწერა და ბეჭედი

- წინამდებარე გარანტიის მოქმედების ვადა 30 დღით უნდა აღემატებოდეს ხელშეკრულებით გათვალისწინებული მომსახურების გაწევის საბოლოო ვადას.
- არარეზიდენტი პრეტენდენტის შემთხვევაში, დასაშვებია გარანტიის წარმოდგენა უცხოურ ვალუტაში საქართველოს ეროვნული ბანკის მიერ წინამდებარე ტენდერის წინადადებების მიღების დასრულების დღისთვის დადგენილი ოფიციალური გაცვლითი კურსის მიხედვით.